



儲 砥 中

民國二十三年生
國立政治大學畢
現職／商

聞長江三峽大壩截流成功有感(二首)

其一

三峽工程險，艱辛與水爭；流波千古盡，論戰百家聲；
影響關民命，榮枯改物情；禹功今並廢，大壩枕江橫。

其二

改盡河山舊，風雲斷自今；猿聲陪沈沒，潮汐不相尋；
水利容多益，禍胎變始深；通情惟老氏，莫逆自然心。

松(二首)

其一

蒼松鄰家舊，青春豈待招；交枝纏秀氣，拔俗各清標；
向晚風濤重，垂陰歲月遙；中心肌骨美，固節盤根驕；
來養承朝露，親鄰待漢僑；芸窗書史罷，愛物惜新條。

其二

獨立誰憐一老柯，放行流水自經過；許留岸土維艱甚，
不染塵沙氣象和；曾藉風姿消暑意，也依溪澗拾松蘿；
沍寒未損濃蔭力，樹死山城戰伐多。